



La sajun dla lüsa se stlűj jö cun la finala dles trei gares de Copa de Südtirol, tignida sön la pista „Do Juvel“ a Longiarü, i resultac ladins é indo pro i miûs te chësta competiziun.

Lüsa – Chësc ultim fin dl’edma é gnü tignì la terza y ultima gara de Copa de Südtirol. La pista “Do Juvel” a Longiarü, chirida fora por stlű jö la sajun di liöstri, é gnüda arjignada ca te condiziuns otimales por garejé. N gran giulan ti va al US Longiarü por le sorvij. I atlec de lüsa alta à ciamó porvé de cöie adüm val punc por la somatoria finala, i miûs é spo gnüs premià sön le tert dl domisdé tl salf dles manifestaziun a La Val, daulache l’ombolt da La Val Angel Miribung, le parlamentar Daniel Alfreider y le presidënt dl’Uniun dl Sport Alex Alton à saludé le gran numer de apascionà ruvà adalerch.

Jun daimpró ia cun i resultac di atlec ladins arjunc pro l’ultima gara de Copa de Südtirol, alzan fora sciöche prüms i atlec ladins Manuela Rubatscher , Alex Ploner y Clara Dominikus, che à

podü pié do la medaia d'or tla categoria aspirantes y juniores y master B1. Chiló inant düc i atri resultac di atlec ladins tles respetives categories: 2. Tschaffert Diego, 3. Nagler Luisa, 1. Rubatscher Nadine, 2. Brunner Shamira, 3. Peccei Lukas, 16. Serafini Lorenzo, 18. Serafini Daniele, 20. Deiacò Nicolas, 2. Clara Matteo, 4. Alton Anton y 6. Tavella Robert, 3. Miribung Carlo.

Do la premiaziun dla terza y ultima gara él sciöche vigne ann gnü trat la soma di punc concuistá tratan dütes trëi les competiziuns. Da alzé fora le titul por le campion dl' monn in ciaria Kaser Roman da Lijun, che á arjunt le mascim pro dütes trëi les gares y fej insciö súa chësta ediziun de Copa de Südtirol. Pro la categoria dles ëres é Hilpold Theresa da Pfeffersberg la majera, che arjunj la soma de 285 punc. I bugn resultac di ladins ne é nia mancia, tla categoria dles aspirantes é Manuela da La Val che fej só le titul cun la soma de 250 punc. Le medemo plazamënt, cun la soma de 285 punc é ince Diego che arjunj te söa categoria. Chilò i plazamënc finai tla tlassifica generala: 5. Nagler Luisa, 2. Rubatscher Nadine, 4. Brunner Shamira, 6. Peccei Lukas, 5. Ploner Alex, 17. y 18. I fredesc Serafini Lorenzo y Daniele, 22. Campeì Marco, 24. Deiacò Nicolas, 9. Clara Matteo, 4. Tavella Robert, 5. Alton Anton, 7. Clara Dominikus, 9. Miribung Carlo. Tla tlassifica generala dles eres röia ciamò Manuela sön le secundo scalin plö alt dl podest do Hilpold Theresa. Le miú resultat ladin pro ëi é le 6. post de Diego da La Val.

Raika Jugendrennen:

Le Raika Jugendcup é na competiziun partida sö te cater gares olache al töl pert mituns dai 6 ai 14 agn che vëgn partís sö de deplö categories. Al vëgn garejé sides cun lüsa alta y sides cun lüsa basa. Les cater gares é gnüdes tignides ite in Passeier, Munt de Sëuc, Ulten y Lijun. I sis atlec da La Val che á partezipé á arjunt chisc plazamënc tla tlassifica generala por soma de punc tles singoles categories: 4. Miribung Elena, 3. Peccei Lara, 1. Brunner Philipp, 3. Frenes Oliver, 4. Pescollderung Roman, 8. Peccei Lukas. N gran giulan ti va ai acompagnadus che s'à cruzié de acompagné i mituns ales gares.

Se congratulé uress l'Uniun dl Sport no ma por i bugn resultač arjunc, mo ince por l'impëgn y la gran devoziun desmostrada da pert de düc tl'organisaziun de chesc event y for a por düta la sajun. N gran giulan ince ai geniturs che acompagnëia limituns ales gares y l'insegnamënt di atlec cun tröpa esperiënza ai atlec plö jogn che vëgn dô ca. Le bel grup y i bi resultač arjunc

des stimolé ince le dagnì de chësc bel sport.

I plazamënc dl'ultima gara de Südtirol Cup a Longiarü: [risultati](#)

I plazamënc dla tlassifica generala de Südtirol Cup: [GESAMTWERTUNG](#)





